

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON- KANTON SREDIŠNJA BOSNA
KANTONALNO TUŽILAŠTVO/ TUŽITELJSTVO
T R A V N I K

BROJ: T06 0 KT 0037002 25
Travnik, 16.05.2025. godine

PRITVORSKI PREDMET

OPĆINSKOM SUDU TRAVNIK
sudiji za prethodno saslušanje
T R A V N I K

Na osnovu člana 45. stav 1. i 2. tačka i) i člana 241. stav 1. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Potvrđena dana 19.05.2025.godine

Protiv
P. N. (1976)

Lišen slobode 27.02.2025.godine u 20,00 sati, nalazi se u pritvoru po Rješenju suda broj ... od 25.03.2025.godine najkasnije do 27.05.2025.godine do 20,00 sati.

Što je:

dana 27.02.2025. godine, oko 13,50 sati, na području Općine Vitez, uputio ozbiljnu prijetnju da će napasti ovlaštena službena lica PS Vitez na način da je, putem telefona pozvao komandira PS Vitez O.M. na službeni telefon PS Vitez broj 030/711-764, koji se nalazio na dužnosti u prostorijama PS Vitez u ulici Stjepana Radića bb u Vitezu i tom prilikom mu rekao da mu je poznato da je O. M. od Nove godine imenovan za zapovjednika PS Vitez, te se interesovao za nož koji je od njega izuzet po Naredbi suda, pa nakon što mu je oštećeni O. M. rekao da se nož ne nalazi u prostorijama PS Vitez, isti mu se obratio povišenim tonom govoreći „jebem li ti mrtvu majku, nećeš namjerno, doću ispred policijske stanice s puškom i ubiti tebe i B. L. koji je izuzeo taj nož“, nastavivši da psuje i upućuje prijetnje govoreći „ubit ću vas ja se ne šalim“, svjestan da ozbiljno prijeti da će napasti službenu osobu u vršenju poslova javne sigurnosti, i htio to, nakon čega je prekinuo vezu, da bi nakon toga policijski službenici S. O., H.A. i N.L. došli do kuće N. P. na adresu ..., općina Vitez, i istog upoznali da postupaju po prijavi prijetnji upućenih M. O. i B.L., P.N. počeo da vrijeđa policijske službenike nazivajući ih kriminalcima i lopovima, pa kada su ga policijski službenici pozvali da pođe s njima, isti je ušao u pomoćni objekat iz kog se vratio noseći u ruci crni plastični kanister, da bi iz istog prosuo dio tekućine na zemlju, nakon čega su policijski službenici osjetili oštar miris goriva ili neke zapaljive tečnosti, rekavši da se u kanisteru nalazi benzin i da neće poći sa policijskim službenicima,

nakon čega se uputio u kuću odakle je govorio da ima nož i sjekiru i da neće izaći iz kuće, te da će ubiti svakoga ko ga pokuša lišiti slobode da će ukoliko policija uđe u kuću iste napasti motornom pilom, nakon čega se začuo rad motorne pilom, da bi se N.P. na nekoliko trenutaka pojavio na vratima sa vidnom povredom potkoljenice lijeve noge i ponovo vratio u kuću, odakle je nastavio da upućuje prijetnje da će sebe i policijske službenike sasjeci sjekirama i motornom pilom, da će zapaliti sebe i kuću, svjestan da postupanjem na taj način upućuje ozbiljne prijetnje da će napasti na službene osobe u vršenju poslova javne sigurnosti i da kod istih izaziva osjećaj ugroženosti i straha, što je i htio, da bi po dolasku vozila Hitne pomoći izašao iz kuće, nakon čega je savladan od strane policijskih službenika PS Vitez.

Dakle, uputio ozbiljnu prijetnju da će napasti pet službenih osoba u vršenju poslova javne sigurnosti.

Čime je počinio pet krivičnih djela „Napad na službenu osobu u vršenju poslova sigurnosti“ iz člana 359. stav 1. KZ FBiH na štetu O.M., B. L., S.O., H. A. i N. L.

- I. **Predlaže se da se** od osumnjičenog u smislu odredbe člana 78. KZ FBiH trajno oduzme mobilni telefon model SM-A047F, IMEIŽ: ... i ... sa SIM karticom broja ... kao i crni plastični kanister sa ostatkom vještačene tečnosti, kao sredstva upotrebljena za izvršenje krivičnog djela

Prijedlog za produženje pritvora

Kantonalno tužilaštvo predlaže da se nakon potvrđivanja optužnice osumnjičenom produži pritvor u skladu sa članom 151 stav 1. KZ FBiH.

Poseban pritvorski razlog:

Osnovni preduvjet iz člana 146 stav 1 tačka c) ZKP-a F BiH, da bi se mogao odrediti, odnosno produžiti pritvor prema osumnjičenom u pogledu zapriječene kazne je ostvaren obzirom da je za krivično djelo Napad na službenu osobu u vršenju poslova sigurnosti iz člana 359. stav 1. KZ FBiH, propisana kazna zatvora od 3 (tri) mjeseca do 3 (tri) godine.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe, na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom.